

佛说圣最上灯明如来陀罗尼经 1 卷

No. 1355 [Nos. 1351-1354]

佛说圣最上灯明如来陀罗尼经

西天北印度乌填曩国帝释宫寺三藏传法大师赐紫沙门臣施护奉 诏译

如是我闻。一时佛在舍卫国祇树给孤独园。与大苾刍众千二百五十人俱。及百千无央数人天菩萨之众。恭敬围遶而为说法。尔时百千俱胝佛刹皆往诣。彼无边花世界。最上灯明如来应正等觉。现身住止经行说法。彼有二菩萨。一名大光明二名无量光。尔时彼佛遣二菩萨。往娑诃世界祇树给孤独园。诣释迦如来正遍知觉所。到已头面礼世尊足而坐一面。彼二菩萨白世尊言。去此佛土经行百千俱胝佛刹。有世界名无边花。彼土有佛。名最上灯明如来应供正遍知。现住其中恒说妙法。彼世尊最上灯明如来正遍知觉故。遣我等诣娑诃世界。问讯世尊少病少恼。云何气力轻利安住快乐。彼如是说。又此所有人非人。部多毘舍佐药叉罗刹。供盘茶供盘茶军主。王法盗贼。蛇蝎恶疮虫蚁羯拏怖嚇虫。如是等类扰乱烦恼故。彼世尊最上灯明如来应供正遍知。说此陀罗尼真言章句。名闻十方故遣来此。为利益安乐一切众生。颜貌怡悦色相具足身意泰然。以此秘密功德力故拥护有情。即说陀罗尼曰。

怛徧也(二合)他(去一引)入嚩(二合引)礼(二)入嚩(二合引)攞孽帝(三)呼迦穆迦(四)三(去)么帝么贺(引五)三(去)么帝(六)么贺(引)入嚩(二合引)礼(七)入嚩(二合引)攞铭(八)萨呬萨礼(九)么贺(引)入嚩(二合引)礼(十)坞计苏计(十一)多铭三么帝(十二)么贺(引)三么帝(十三)么贺(引)三铭(十四)娑嚩(二合引)贺(引十五)

尔时世尊告尊者阿难言。汝今谛听。此陀罗尼章句甚为难得。受持读诵为他解说。此阿牟尼陀罗尼。佛出世时亦难得遇。若有族姓男族姓女。听闻受持为他解说。得宿命通见彼七生之中宿命之事。一切烦恼皆悉消除。一切宿业而皆不受。

复次阿难陀。此陀罗尼真言章句。七十七俱胝佛同共宣说。若一切有情。闻此陀罗尼章句不信毁谤者。即同毁谤七十七俱胝佛。

尔时无能胜菩萨摩訶萨。即从坐起偏袒右肩右膝着地。合掌向佛白佛言。世尊我亦宣说陀罗尼真言章句。为利益安乐诸众生故。以此秘密拥护有情。增长殊胜福力色相怡悦故。即说陀罗尼曰。

怛徧也(二合)他(去引)阿跢(摘固反)嚩跢(准上切一)曩跢(亦准上)么贺(引)矩曩跢(亦准上二)阿乞嚩(二合)臬迦臬(三)阿曩(引)迦臬(四)么曩迦臬(五)阿拏(拏固反)哆(六)佉祖(引)么贺(引)佉祖(七)萨奶(奴贾反)契哆奶(准上七切)契(八)哆噜铭(九)咄噜铭(十)酰礼蜜礼底礼(十一)娑嚩(二合引)贺(十二引)

尔时世尊告尊者阿难陀言。汝今谛听。此摩尼陀罗尼章句甚为希有。汝当受持读诵为他解说。佛出于世亦甚希有。复次阿难陀。若族姓男族姓女。如是闻此陀罗尼章句。若受持讽念读诵解说。得宿命通见彼十二生中宿命之事。一切宿业而不复受。

复次阿难陀。此陀罗尼章句。八十俱胝诸佛同共宣说。若有毁谤此陀罗尼者。即为毁谤八十俱胝佛而无有异。

尔时文殊师利童子。即从坐起偏袒右肩右膝着地。合掌恭敬白佛言。世尊我亦说此陀罗尼章句为利益安乐一切众生。以此秘密殊胜大力拥护有情。增长色相身心怡悦故。即说陀罗尼曰。

怛徧也(二合)替能(去一)阿𦉑么𦉑(二)曩尔(仁际反)[宁*页](三)曩(引)𦉑啰臬(四)曩酰(上)礼(五)曩酰(上)礼(六)惹酰(上)攞赞徧(七)赞拏礼(八)赞拏(上)攞嚩帝(九)娑嚩(二合引)贺(引十)

尔时世尊告尊者阿难陀言。汝今谛听。阿难陀此陀罗尼章句难得希有。汝当受持读诵为他解说。阿难陀此陀罗尼章句。佛出世时亦复希有。阿难陀此陀罗尼章句。若有族姓男族姓女。听闻受持读诵讽念为他解说。得宿命通见彼十三生宿命之事。一切烦恼皆悉消除。一切宿业而皆不受。

复次阿难陀。此陀罗尼章句。八十二俱胝菩萨同共宣说。若有毁谤此陀罗尼者。即为毁谤八十二俱胝菩萨而无有异。

尔时世尊告诸苾刍言。我亦说此陀罗尼章句。为利益安乐一切众生。令诸有情福德增长。身心怡悦名称普闻。有大势力颜貌端正。以此秘密拥护故。即说陀罗尼曰。

怛徧也(二合)替能(去一)阿跢(摘固反引)嚩跢(准上切二)曩跢(亦准上)矩曩跢(准上三)姪计姪啰计(四)多嚩吠覩嚩吠(五)嚩咤吠(六)[口*路](去引)礼鲁礼(七)贺礼蜜礼(八)底礼始礼(九)尸里(上)含礼(十)阿普嚩普(十一)曩普矩曩耻(十二)阿曩跛底(丁以反十三)嚩曩跛底(准上切)计臬计臬计臬(十四)姪(轻呼)臬姪臬姪臬(十五)么贺(引)姪臬娑嚩(二合引)贺(引十六)

尔时世尊告尊者阿难陀言。汝今帝听阿难受持此陀罗尼章句。读诵讽念为他解说。阿难陀此陀罗尼章句甚为希有。阿难陀此阿牟尼陀罗尼章句。佛出世时亦甚希有。阿难陀若族姓男族姓女。听闻受持为他解说。得宿命通见彼十四生中宿命之事。一切烦恼皆悉消除。一切宿业而皆不受。复次阿难陀此陀罗尼章句。八十四俱胝佛同共宣说。若有毁谤此陀罗尼者。即为毁谤八十四俱胝佛而无有异。阿难陀若有族姓男族姓女。于枯朽树下以此陀罗尼章句若读若诵。潜护救济火不能烧。令彼枯树重生枝叶花菓敷荣。何况受持之人。尔时世尊复告诸苾刍言。我今重说陀罗尼章句。为利益安乐一切众生。颜貌怡悦名称普闻。福德增长色相端严。以此秘密拥护故。即说陀罗尼曰。

怛徧也(二合)替能(去一)阿跢(摘固反)嚩跢(亦准上二)姪计姪啰计(三)多嚩跛底(四)覩嚩跛底(五)覩嚩蜜底(六)覩嚩蜜蜜底(七)覩嚩覩[口*(隶-木+士)](八)苏[口*(隶-木+士)]酰礼(九)母礼底礼(十)娑嚩(二合引)贺(引十一)

尔时世尊告尊者阿难陀言。汝今谛听。此陀罗尼章句甚为希有。汝等受持读诵为他解说。阿难陀此阿牟尼陀罗尼佛出于世亦甚希有。阿难陀若族姓男族姓女。闻此陀罗尼章句。受持读诵为他解说。得宿命通见彼二十一生宿命之事。一切烦恼皆悉消除。一切宿业而皆不受。又复拥护所有一切部多。一切天龙药叉犍闍嚩阿苏嚩孽嚩茶紧那罗么护嚩譏人非人不能侵害。乃至一切恶疮蛇虫羯拏婆虫亦不能为害。又复无彼一切疟病风黄痰癰。如是等病须臾发动。至一日二日三日四日。乃至七日半月一月一年。长时不能侵害。又复无彼一切疮肿痈疽疹缓疥癩疮癬。一切病恼一切业障一切厌禱。及一切吠踰荼皆不能侵害。复次阿难陀此陀罗尼章句。九十九俱胝佛同共宣说。若有毁谤此陀罗尼者。即为毁谤九十九俱胝佛而无有异。复次阿难陀此陀罗尼章句。入王宫时忆念。入罗刹中时忆念。入师子虎狼中时忆念。入旷野中时忆念。入暴恶河中时忆念。为水火难时忆念。为毒药所中时忆念。一切怖畏时忆

念。皆不能为害。复次阿难陀。有受持此陀罗尼者。若遇恶人执持刀棒。瞋怒逼趁欲来伤害。彼持刀棒自然碎折而得解脱。阿难陀我意观见人间天上。及魔罗梵天沙门天人阿苏嚩众中。若以此陀罗尼真言章句。拥护救济结界守护。息除灾难无越此陀罗尼者。何以故。阿难陀此阿牟尼陀罗尼。加持护念一切烦恼悉皆消除。尔时四大天王白世尊言。此正法灭时。我等与彼正法助威神力。广宣流布令法久住。彼受持法师我亦加护。遣除一切魔罗。世尊赞言。善哉四大天王。发勇猛慈而护正法。尔时四大天王知其佛意。亦从坐起说陀罗尼曰。

怛儻也(二合)他(去引一)吠难(去)膩吠难(去)膩(二)么贺(引)难(去)膩(三)娑檐(二合)婆(去)[宁*页](四)染(引)婆(去)[宁*页](五)咤咤[宁*页]咤咤[宁*页](六)么贺(引)咤咤[宁*页](七)矩跢(摘固反)矩跢(准上)[宁*页](八)么贺(引)矩咤(九)达(转舌)么礼嗟么咽(上)娑嚩(二合引)贺(引十)

世尊言。若有族姓男族姓女。得闻此陀罗尼章句。解说彼明句义受持读诵。一切烦恼悉皆消除。一切世间得无障碍。如持一切妙法。是时世尊告四天王言。善哉善哉如汝所愿令法久住。复告阿难陀言。汝今谛听。正法受持读诵为他解说。令彼有情得大福德名称普闻。阿难陀言。唯然世尊。若有听闻我专记忆。尔时世尊以真实之义。方便开示而说偈言。

此经陀罗尼	过去诸佛说
我今亦说此	真言章句义
令彼听受持	利益诸众生
见二十一生	种种宿命事
无彼人非人	药叉供盘茶
罗刹布怛曩	而作诸障难
宣示陀罗尼	所欲皆自在
魔罗罪业等	障难自消除
说彼陀罗尼	父母与兄弟
知识及眷属	恶事不能害
受持陀罗尼	旷野道路中
师子虎狼等	不能为怖畏
读诵陀罗尼	百千俱胝劫
宿作诸罪业	七日尽消除
解说陀罗尼	七日得一切

菩萨之福德 俱胝劫不尽
令此陀罗尼 常有四天王
持国与多闻 增长及广目
领自一切众 色相具威神
拥护于四方 及持真言者

尔时世尊说此陀罗尼章句已。阿难陀及大声闻众。慈氏菩萨文殊师利菩萨摩訶萨。四大天王及天人阿苏啰干闥婆等。闻佛所说一心受持。欢喜踊跃作礼而退。

佛说圣最上灯明如来陀罗尼经

【经文信息】大正藏第 21 册 No. 1355 佛说圣最上灯明如来陀罗尼经

【版本记录】CBETA 电子佛典 Rev. 1.9 (Big5)，完成日期：2009/04/23

【编辑说明】本数据库由中华电子佛典协会（CBETA）依大正藏所编辑

【原始数据】萧镇国大德提供，北美某大德提供

【其他事项】本数据库可自由免费流通，详细内容请参阅【[中华电子佛典协会数据库版权宣告](#)】
